

Aktiaateqarluni piginneqataassuteqarlunilu ingerlatseqatigiiffiit pillugit inatsisip (ingerlatseqatigiiffiit pillugit inatsisip) atuutilernissaa pillugu Kalaallit Nunaannut peqqussummut oqaaseqaatissamut Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Nunatta danskit ingerlatseqatigiiffiit pillugit inatsisaannut ilanngunnissaa, suleqatigiissitamit nunatsinni inuussutissarsiuteqarnermi inatsisitigut sinaakkutanik qimerluisimasunit, danskinit kalaallinillu ilaasortaffigineqartumiit siunnersuutaavoq. Soorunami suleqatigiissitap taamaattup sungiusimasani tunngavigalugit sulissaaq - tassa danskit inatsisaat EU-milu inatsisit. Eqqarsaqqajaanarpoq innersuussutigineqartut allaanerusimassagaluarnermut suleqatigiissitaq nunani tamalaaneersunit ilaasortaqaarsimagaluarpat? Tamanna eqqarsaatissaqqippoq.

Inatsisinik nutarterinissap pisariaqartinneqarnera paasisinnaavara - taamaakkaluarterli isumaqarpunga danskit inatsisiliorneranni aalajangersakkat tunngavigalugit inatsisiliorneranni oqallisigisariaqarippat. Pisuussutinik inatsisit suliffeqarfinnullu inatsisit suli naalagaaffimmit akisussaaffigineqarput, taakkulu tunngavigalugit inatsisitsinnik nutarterinerit naalagaaffimmit saqqummiunneqartassapput. Taamaattumik qularnangitsumik aningaasartuutikinnarnerussaaq aalajangersakkioraanni - danskiniit kalaallinillu isigalugu.

Danmarkimiit nuannaarutaanaviangilaq Kalaallit Nunaannut atuuttussamik immikkut ittumik inatsisiliornerinissamut nukinnik atuinnissaaq, naak pisussaaffigigaluarlugu.

Ajornanginnerujussuuvoq danskit inatsisiliaat nunatsinnut atuuttunngortissallugit, assersuutigalugulu Danmarkip EU-mut ilaasortaananeranut paragrafit tunngasut piirlugit.

Kalaallit Nunaanniit ajornanginneruvoq danskit inatsisaannik aalajangersakkiorneq, akisussaaffimmik tiguserminngaanniit, pisarioqisunillu inatsisissanik ilusilersuinissamit aqutsinermillu. Inatsisartulli aalajangersakkat ajunngequtaat ajoqutaallu isummerfigisariaqassavaat isummerfigineqarnissaannik qinnuigineqarnermikkkut. Taamak iliuuseqartassaagut Namminersornermi Inatsisip siunertai tunngavigalugit.

Ataatsimiititaliap qulakkeertariaqarpaa, danskit ingerlatseqatigiiffiit pillugit inatsisaanni putut sanngheetullu nammineq inatsisiliornerinissinni nammineerluta putuliornatalu sanngheetuussannginnatta. Tamassuma qulakkeernissaa anguniarlugu oqallinnissattalu pitsaanerusumik tunngaveqarnissaa qulakkeerniarlugu, oqaluuserisatsinnut tusarniaassutigineqarsimasunik ilanngussisoqarsimannginnera uggornarpoq. Januarimi tusarniaasoqarnikuuvoq - arlaanniit qisuariartoqarsimava? Ataatsimiititaliap isumannaartariaqarpaa nunatsinni inuussutissarsiortut siunnersuummumut uunga isummersimanissaat.

Ataatsimiititaliap sammisamik suliaqarnerminni apeqqutit uku isummerfigisariaqarpaat:

1. Namminersornermut Inatsimmut akerliusuuva inatsimmi allaqqammat, siulersuisuni ilaasortap imaluunniit nakkutilliisoqarfimmi ilaasortap sammineqartut kalaallisuumut danskisuumulluunniit nutsertinneqarnissai piumasarisinnaangikkai, suliffeqarfimmi tuluit

Naaja H. Nathanielsen
Attaviitsoq

oqaasii aalajangersimasumik atorneqarpata? Namminersorluni Oqartussaanermut inatsimmi allaqqavoq Nunatsinni kalallit oqaasii pingaarnersaat.

2. Ajornartorsiutaangila danskit inuussutissarsiornermut ineriartornermullu ministeriat tassaammat, suliffeqarfik nunani allaneersoq nunatsinni immikkoortortaliornermigut nunatsinni suliffeqarfimmik ingerlatsilernissaanut aalajangiisussaaitaasoq? Piumasaraara ataatsimiititaliap oqartussaanerup agguataarneranut immikkoortorta §345 sukumiilluinnartumik misissussagaat.
3. Maalaarsinnaatitaanermut periarfissanut aamma ernummateqarpunga. Tassanittaaq danskit inuussutissarsiornermut ineriartornermullu ministeriat maalaartarnermut malittariasassiortussanngortitaavoq. Naammaginarpa aamma pisariitsuuva? Imaluunniit allatut aaqqiisoqarsinnaava, akisussaaffimmik nammineq tiguserulluta?

Naalakkersuisut naggasiinerminni ernummassutikka oqaaseqarfigissallugit tikilluaqqusaapput.

Naggasiullugu oqaatigerusuppara ajunngilluinnartuummat inatsimmi qullersat akornanni naligiissitaanissamut anguniagassanik inissiisoqarsimammat. Tamanna tusiapittumik ingerlasimavoq, assut eqqarsaammernarpoq ingammik eqqarsaatigigaanni sivisunerusumik ilinniagaqartartuusut tassaammata kalaallit arnat, taamaattumillu siuttutut inissisimaniarlutik angusaqarusuttunik piginnaassuseqartunillu arnanik nassaarnissaq ajornarnaviarnani. Takutinneqaqattaartuarpormi siuttut katitigaaneranni assigiinngiaassutsip pitsaannerusumik angusaqarfiusarnera.

Ataatsimiititaliaq sulilluaqqunarpoq.